

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik  
Broj: 02/12-19-28869/23  
Sarajevo, 24.01.2023. godine

Na osnovu člana 24. a), člana 28. i člana 70. Zakona o javnim nabavkama („Službeni glasnik BiH“, br. 39/14 i 59/22) i člana 26. Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022. godine, a na preporuku Komisije za javnu nabavku radova, Općinski načelnik donosi:

## ODLUKU

### I

Prihvata se ponuda ponuđača „Dinalsa“ d.o.o. Sarajevo “ d.o.o. Sarajevo sa ponudenom cijenom za ugovor u iznosu od 44.599,85 KM bez PDV-a, odnosno 52.181,82 KM sa PDV-om u predmetu pregovaračkog postupka bez objave obavještenja o nabavci - „Nepredviđeni i dodatni radovi pri sanaciji kosog krova zgrade u ulici Petra Tiješića broj 1,3,5,7 i 9 po Ugovoru br. 02/12-19-5451/23 od 13.6.2023. godine“.

### II

Zadužuje se Služba za zajedničke poslove da obavijesti učesnika u pregovaračkom postupku o prihvatanju ponude, te da nakon isteka žalbenog roka pripremi ugovor i dostavi Općinskom načelniku na potpis.

### III

Konstatuje se da je ponuđač iz člana I ove Odluke dostavio ovjerenu dokumentaciju koja se odnose na član 45. stav (2) tačka od a) do d) Zakona.

## Obrazloženje

Na osnovu dostavljenog Izvještaja o radu Komisije za javne nabavke radova i preporuke za dodjelu ugovora konstatovano je da je Služba za investicije i komunalne poslove aktom br. 02/08-19-2541/22SA od 26.12.2023. godine tražila pokretanje pregovaračkog postupka za dodatne i nepredviđene radove jer je tokom realizacije Ugovora broj 02/12-19-5451/23 od 13.6.2023. godine - „Sanacija kosog krova zgrade u ulici Petra Tiješića broj 1,3,5,7 i 9“ od stručno-tehničkog nadzora Kantonalnog stambenog fonda dostavljen akt broj 02-01-1432-61/21 od 28.9.2023. godine i 02-01-1432-79/21 od 07.10.2023. godine kao odgovor na dopis etažnih vlasnika, kojim se konstatuje da je u toku realizacije ugovora došlo do potrebe za izvodenjem dodatnih radova zbog izmjene vrste pokrova na nadzidanim stambenim jedinicama tako da se umjesto termoizolacionih panela izvrši ugradnja trapeznog lima, te je stručni tehnički nadzor izradio predmjer svih nepredviđenih radova koje je neophodno izvesti da bi se radovi okončali.

Služba za zajedničke poslove utvrdila je da su ispunjeni uslovi za pokretanje pregovaračkog postupka u skladu sa članom 24. (a) Zakona o javnim nabavkama. Shodno tome donesena je Odluka o pokretanju postupka javne nabavke br. 02/12-19-28859/23 od 28.12.2023. godine - „Nepredviđeni i dodatni radovi pri sanaciji kosog krova zgrade u ulici Petra Tiješića broj 1,3,5,7 i 9 po Ugovoru br. 02/12-19-5451/23 od 13.6.2023. godine“, putem pregovaračkog postupka bez objave obavještenja o nabavci. Služba za zajedničke poslove je potom uputila poziv za učešće u pregovaračkom postupku broj 02/12-19-28869/23 od 03.01.2024. godine pravnom licu „Dinalsa“ d.o.o. Sarajevo.

Zapisnikom o otvaranju ponuda od 08.01.2024. godine Komisija je konstatovala da je u predviđenom roku, u propisno upakovanoj kovčici, pristigla (1) jedna ponuda ponuđača: „Dinalsa“

d.o.o. Sarajevo sa ponuđenom cijenom za ugovor u iznosu od 45.050,36 KM bez PDV-a. Nakon što je Komisija izvršila analizu dostavljene ponude i utvrdila da ispunjava formalno-pravne uslove utvrđene tenderskom dokumentacijom, pristupilo se postupku pregovaranja, a nakon što su stručna tehnička lica Komisije izvršila analizu ponuđenih cijena za poziciju koja je predmet pregovaranja.

U toku postupka pregovaranja, dana 10.01.2024. godine, stručna tehnička lica Komisije su pregovarala sa ovlaštenim predstavnikom ponuđača, o mogućnosti smanjenja cijene ponude o čemu je sastavljen zapisnik, te je ponuđač pozvan da u roku od 3 dana dostavi konačnu ponudu.

Ponuđač je u ostavljenom roku putem protokola dostavio konačnu ponudu br. 0028/21 od 11.01.2023. godine sa traženom dokumentacijom sa ponuđenom cijenom za ugovor u iznosu od 44.599,85 KM bez PDV-a, odnosno 52.181,82 KM sa PDV-om. Komisija je izvršila računsku kontrolu ponude i konstatovala da nije bilo računске greške.

Komisija je izvršila uvid u osnovni ugovor zaključen sa ponuđačem, ugovore koji za predmet imaju slične radove, mišljenje stručnog tehničkog nadzora – Kantonalni stambeni fond broj 02-01-1432-61/21 od 28.09.2023. godine, te su stručna tehnička lica Komisije utvrdila da je ponuđač u konačnoj ponudi smanjio cijenu, da su cijene usklađene sa tržišnim i da je cijena niža od cijene predviđenog pokrova od termoizolacionih panela kroz osnovni ugovor, a što je i konstatovano mišljenjem stručnih tehničkih lica Komisije broj 02/12-19-28869/23 od 23.01.2024. godine. Na osnovu navedenog Komisija je dala preporuku za dodjelu ugovora ponuđaču „Dinalsa“ d.o.o. Sarajevo.

Imajući u vidu navedeno, na preporuku Komisije za javne nabavke radova, a primjenom člana 28. i člana 64. stav 1. tačka b) Zakona o javnim nabavkama ("Službeni glasnik BiH" broj 39/14 i 59/22), odlučeno je kao u dispozitivu.

#### **Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar komisije

#### **DOSTAVITI:**

1. Ponuđaču u postupku
2. Služba za zajedničke poslove
3. Komisija za javne nabavke radova
4. U spis

Općinski načelnik  
mr. Senir Efendić

